



MØTEPROTOKOLL

Utval:	Formannskapet
Stad:	Herøy rådhus, Formannskapssalen
Dato:	19.01.2016
Tid:	13:30 – 19:30

Medlemmer som møtte:

Camilla Storøy	Nestleder	KRF
Ole Brubakk	Medlem	KRF
Ann-Kathrin (Tine) Storøy	Medlem	H
Reidun S Myrvågnes	Medlem	AP
Per Kristian Furø	Medlem	AP
Kjell Runde	Medlem	FOLK/SP

Forfall:

Arnulf Goksøyr	LEDER	H
Solveig Helen N. Båtsvik	MEDL	FRP
Svein Gjelseth	MEDL	AP

Varamedlemmer som møtte:

Stig Arne Helsem Sævik	Solveig Helen N. Båtsvik	H
Margaret Leinebø	Arnulf Goksøyr	H
Sofie Mere Arntsen	Svein Gjelseth	AP

Andre:

Politisk sekretær Hilde B. Skinnos
Rådmann Olaus-Jon Kopperstad
Leiar for Servicetorget, Wenche Moltu
Planleggar for Utviklingsavdelinga Aleksander Zahl Tarberg
Leiar for Utviklingsavdelinga Jarl Martin Møller
Planleggar for Utviklingsavdelinga Ole Magne Rotevatn
Ingeniør frå Utviklingsavdelinga Fred Arnesen

Varaordførar Camilla Storøy leia møtet i ordførararen sitt fråver.

Ordførar Arnulf Goksøyr kom til møtet etter handsaming av F-sak 7/16 kl 15.15.
Camilla Storøy fekk permisjon.
Vara Bjørn Otterlei tok plass og Margaret Leinebø fekk permisjon.

Svein Gjelseth kom til møtet kl 15.25 etter handsaming av F-sak 9/16. Sofie Arntsen fekk permisjon.

Til å skrive under protokollen saman med ordføraren vart desse valde:
Kjell Runde og Per Kristian Furø

Folk/SP, Kjell Runde stilte spørsmål om kloakklekkasje i Dragsund.

Ingen hadde merknader til at F-sak 8/16, 13/16 og 14/16 flytta til slutt på saklista.

Skriv delt ut i møte:

Brev datert 18.01.16 frå Rolf Bjørnar Moltu – klage på saksbehandling ny trase for Nygjerdevegen.

Brev datert 18.01.16 frå Magnus Kleppe Tingvoll – Tildeling av tilleggsareal i Feirelia

Drøftingar:

Formannskapet ønskjer ei sak kring spørsmål reist i notat datert 20.11.15 – Spørsmål til reglement for godtgjersle for kommunale ombod gjeldande frå 22.10.15.

Kjell Runde

Arnulf Goksøyr
underskrifter

Per Kristian Furø

OFFENTLEG SAKLISTE:

Saksnr	Innhold
PS 1/16	Godkjenning av innkalling og sakliste
PS 2/16	Protokoll frå førre møte
PS 3/16	Delegerte saker
PS 4/16	Referatsaker
PS 5/16	Servicetorget våren 2016
PS 6/16	Klage på vedtak - Detaljreguleringsplan for gang- og sykkelveg langs deler av FV 10 Moltustranda
PS 7/16	Daiva Melynyte 81/35 - Tildeling av tilleggsareal i Ferielia
PS 8/16	U.off. § 15 - Strategisk kjøp av næringsområde
PS 9/16	Høringsuttale til regional planstrategi 2016 - 2020
PS 10/16	Detaljreguleringsplan for Stokksund B33 - Utlekking til offentlig ettersyn
PS 11/16	Interkommunalt planarbeid for kystsona - val av medlem til styringsgruppa
PS 12/16	Kommunedelplan for Herøy - avlaup 2016-2022 - utlegging til offentlig ettersyn
PS 13/16	Kommunereform 2016 - retningsval
PS 14/16	Folkerøysting om kommunereform
PS 15/16	Ekstra busetting av flyktningar i 2016 og 2017
PS 16/16	Gnr. 53 bnr. 1 Eigar: Geir og Marianne Tjervåg - elveforbygging i Tjørågelva - vedtak distriktsdel til NVE
PS 17/16	Revidert forskrift for Søre Summøre Reinhalsverk IKS - godkjenning
PS 18/16	Val av avgiftsmodell for utbyggingsavtalar ved bustadbygging - prinsippvedtak
PS 19/16	Bulystprosjektet. Sluttrapport.

Referatsaker

RS 1/16	Melding om vedtak - Kommunereforma - intensjonsavtale med Nordfjordkommunane
RS 2/16	Samferdsel
RS 3/16	Spørsmål til reglementet for godtgjersle for kommunale ombod gjeldande frå 22.10.2015
RS 4/16	SSR - Ferdigsignerte protokollar frå møta i representantskapet 5/11 og 25/11, 2015
RS 5/16	Mottak for enslige mindreårige i Herøy kommune
RS 6/16	Tilbakemelding på spørsmål om vedtakspraksis.
RS 7/16	Har kommunen tilstrekkeleg tilbod om sjukeheimplassar i forhold til lovkrav?
RS 8/16	Vedtak i sak 35/15 frå styret i Søre Sunnmøre Landbrukskontor: Uttale frå fylkesmannen i forvaltningskontrollen.
RS 9/16	Protokoll frå styremøte 03.12.15 i Søre Sunnmøre Landbrukskontor
RS 10/16	Protokoll frå Fylkesmøte i KS Møre og Romsdal den 18. november 2015

DS 1/16

Delegerte saker frå avdelingane

Sal av tomt 56/54 i Storeneset

PS 1/16 GODKJENNING AV INNKALLING OG SAKLISTE

Møtebehandling:

Ingen hadde merknad til innkalling og sakliste

PS 2/16 PROTOKOLL FRÅ FØRRE MØTE

Møtebehandling:

Protokollen frå førre møte låg føre

PS 3/16 DELEGERTE SAKER

Møtebehandling:

Delegerte saker frå avdelingane låg føre og vert tekne til vitande

PS 4/16 REFERATSAKER

Møtebehandling:

Referatskriv frå avdelingane låg føre og vert tekne til vitande

PS 5/16 SERVICETORGET VÅREN 2016

Møtebehandling:

Leiar for Servicetorget Wenche Moltu orienterte.

Formannskapet ønskjer orientering om tilbakemeldingar på endringane av opningtidene til formannskapsmøte 08.03.16.

Rådmannen si tilråding vart samrøystes vedteken.

Vedtak i Formannskapet - 19.01.2016

Formannskapet ser at den reduserte bemanning er ei utfordring for drifta i Servicetorget. Opningstida for rådhuset, vert som ei prøveordning, i tida 09.00-14.00.

Dette for at Servicetorget skal kunne utføre dei arbeidsoppgåvene som er tildelt avdelinga og ha nødvendige møter i arbeidstida.

PS 6/16 KLAGE PÅ VEDTAK - DETALJREGULERINGSPLAN FOR GANG- OG SYKKELVEG LANGS DELER AV FV 10 MOLTUSTRANDA

Møtebehandling:

Planleggar frå Utviklingsavdelinga Aleksander Zahl Tarberg orienterte.

Brev datert 18.01.16 frå Rolf Bjørnar Moltu – Klage på saksbehandling ny trase for Nygjerdevegen, vart delt ut.

KrF, Camilla Storøy kom med slikt tillegg:

Klage datert 18.01.16 vert avvist då den kom inn etter fristen.

Camilla Storøy sitt tillegg vert vedteke mot 1 røyst. Kjell Runde røysta mot.

Ap, Per Kristian Furø kom med slik endring i punkt 3:

«3. I samband med forhandlingar om kjøp av grunn til nytt veganlegg innanfor reguleringsplan, skal det inngå å finne alternative parkeringsløyser som kan erstatte dei parkeringsplassane som går tapt som følge av denne reguleringsplanen»

Per Kristian Furø, Reidun Myrvågnes, Kjell Runde og Sofie Arntsen røysta for endring av punkt 3 frå Ap, Per Kristian Furø. Dei 5 resterande formannskapsmedlemane røysta for tilrådinga frå rådmannen.

Det vart røysta punktvis.

Rådmannen si tilråding vart vedteken.

Tilråding i Formannskapet - 19.01.2016

1. Herøy kommunestyre tek klagene frå Hugo Brathaug, Kristian Driveklepp, samt brev frå Statens Vegvesen av 26.05.2015, delvis til følge. Godkjent reguleringsplan i k-sak 44/15 i møte av 30.04.2015, vert endra slik;

- Det blir innarbeidd offentleg avkøyrsløse med tilhøyrande frisktlinjer mellom eigedomane gnr 60 bnr 52 og 54, slik det går fram av vedlagt revidert plankart og føresegnar.
- Det blir innarbeidd frisktlinje for gangveg i krysset mot «Nygjerdevegen», slik det går fram av vedlagt revidert plankart.
- Punkt om mellombels parkering innanfor arealformålet «Annan veggrunn – tekniske anlegg» vert fjerna frå reguleringsføresegnene.

2. Herøy kommunestyre kan ikkje sjå at klagene frå Jogeir og Inger Skorpen, Sjøsidan Eiendomsselskap AS, eller resterande deler av brev frå Statens Vegvesen Region Midt

og klage frå Kristian Driveklepp og Hugo Bratthaug, inneheld nye moment i høve til det som låg føre og har vore vurdert fram til reguleringsplan for gang- og sykkelveg langs deler av fv 10 gjennom Moltustranda vart vedteken i møte 30.04.2015. Med unntak av det som er nemnt i punkt 1, vert klagen difor ikkje tekne til følgje og kommunestyret opprettheld sitt vedtak i K-sak 44/15.

3. I samband med forhandlingar om kjøp av grunn til nytt veganlegg innanfor reguleringsplan, skal det søkjast å finne alternative parkeringsløyningar som kan erstatte dei parkeringsplassane som går tapt som følgje av denne reguleringsplanen.

4. Ved utbygging av ny trase for Nygjerdeveg o_V2, skal det gjerast tiltak knytt til bearbeiding av sideareala til vegen, slik at terrenget blir arrondert på ein slik måte at det ivaretek grunneigar sine interesser knytt til drift av gardsbruket og dyrehald. Løysinga skal utformast i samråd med grunneigar.

Dette er eit enkeltvedtak som kan påklagast, jfr. PBL § 1-9 og forvaltningslova kap. VI, innan 3 veker frå kunngjering.

PS 7/16 DAIVA MELYNYTE 81/35 - TILDELING AV TILLEGGSAREAL I FERIELIA

Møtebehandling:

Brev datert 18.01.16 frå Magnus Kleppe Tingvoll, vart delt ut i møtet.

Ap, Reidun Myrvågnes kom med framlegg om å utsette saka.

Frå Utviklingsavdelinga orienterte planleggar Aleksander Zahl Tarberg og leiar Jarl Martin Møller.

Det vart røysta om å utsetje saka. Per Kristian Furø, Reidun Myrvågnes, Kjell Runde og Sofie Arntsen røysta for å utsetje saka. Dei 5 resterande formannskapsmedlemene røysta for å handsame saka i møtet.

Rådmannen si tilråding vart samrøystes vedteken.

Vedtak i Formannskapet - 19.01.2016

Formannskapet kan ikkje sjå at det ligg føre dokumentasjon som tilseier at Magnus Tingvoll Kleppe skal få overført eigedom gnr 81 bnr 40 vederlagsfritt frå Herøy kommune.

Daiva Melynyte (eigar av gnr 81 bnr 35) står som eigar av gnr.81, bnr.40 og kan fritt omsetje og utnytte eigedomen i samsvar med gjeldande reguleringsplan.

Saka vert avslutta frå Herøy kommune si side.

PS 8/16 STRATEGISK KJØP AV NÆRINGSOMRÅDE

PS 9/16 HØYRINGSUTTALE TIL REGIONAL PLANSTRATEGI 2016 - 2020

Møtebehandling:

Planleggar frå Utviklingsavdelinga Ole Magne Rotevatn orienterte.

Rådmannen si tilråding vart samrøystes vedteken.

Vedtak i Formannskapet - 19.01.2016

Formannskapet oversender fylgjande uttale til regional planstrategi 2016-2020:

1. Herøy kommune er samd i dei utfordringane og moglegheitene som regional planstrategi for Møre og Romsdal tek opp. Det kunne likevel vore enno meir synleggjort utfordringar knytt til korleis fylket og kommunane skal handtere flyktningsstraumen.
2. Herøy kommune er samd i dei vurderingane og tilrådingane som er gjort med unntak av det som er nemnd i punkt 3 i vår uttale.
3. Herøy kommune har fylgjande kommentar til punkt 3:
 - Herøy kommune ber om at det vert utarbeidd ein «utviklingsplan for vidaregåande skular» i Møre og Romsdal.
 - Herøy kommune ber om at det vert starta opp eit forarbeid på ein avgrensa regional delplan for samordna areal- og trafikkplanlegging for Søre Sunnmøre eller ytre Søre Sunnmøre.
 - Herøy kommune ber om at Møre og Romsdal fylkeskommune sett av økonomiske og planfaglege ressursar til å bidra i eit arbeid med interkommunal kystsoneplan for Søre Sunnmøre.

PS 10/16 DETALJREGULERINGSPLAN FOR STOKKSUND B33 - UTLEGGING TIL OFFENTLEG ETTERSYN

Møtebehandling:

Planleggar frå Utviklingsavdelinga Ole Magne Rotevatn orienterte.

Rådmannen si tilråding vart samrøystes vedteken.

Vedtak i Formannskapet - 19.01.2016

Formannskapet vedtek, i medhald av plan- og bygningslova § 12-10, at detaljreguleringsplan for Stokksund B33, sist datert 19.11.2015, vert lagt ut til offentlig ettersyn med fylgjande endring i § 12 – *krav om rekkjefølgje* bokstav a, 2. setning:

§ 12 – krav om rekkjefølgje (pbl. § 12-7 nr. 10)

- a. *Nærleikeplassane BLK1, 3, 4, 5, 6, 8 og 9 skal opparbeidast og ferdigstillast før det vert gjeve ferdigattest til nye bustadar som soknar til den aktuelle nærleikeplassen jfr. maks avstandskrav på 50 m mellom bustad og leikeplass.*

PS 11/16 INTERKOMMUNALT PLANARBEID FOR KYSTSONA - VAL AV MEDLEM TIL STYRINGSGRUPPA

Møtebehandling:

Leiar frå Utviklingsavdelinga Jarl Martin Møller orienterte.

Rådmannen si tilråding vart samrøystes vedteken.

Tilråding i Formannskapet - 19.01.2016

Kommunestyret vedtek å starte opp arbeid med eit interkommunalt planarbeid for kystsona saman med dei fem andre kommunane på ytre Søre Sunnmøre.

Kommunestyret vel ein politisk representant til å sitje i arbeids- og koordineringsgruppa frå kommunen.

Rådmannen vel ein representant til å sitje i arbeids- og koordineringsgruppa frå administrasjonen.

PS 12/16 KOMMUNEDELPLAN FOR HERØY - AVLAUP 2016-2022 - UTLEGGING TIL OFFENTLEG ETTERSYN

Møtebehandling:

Driftsingeniør Fred Arnesen frå Utviklingsavdelinga orienterte.

Saka vert sendt tilbake til administrasjonen for nærare utgreiing etter innspel frå formannskapet.

PS 13/16 KOMMUNEREFORM 2016 - RETNINGSVAL

Møtebehandling:

Ap, Svein Gjelseth kom med slikt nytt tillegg til første avsnitt:
Samt Hareid, Ulstein, Sande, Vanylven, Selje og Vågsøy kommune.

Svein Gjelseth, Reidun Myrvågnes og Per Kristian Fure røysta for tillegget frå Svein Gjelseth. Dei 6 resterande formannskapsmedlemen røysta for tilrådinga frå rådmannen.

Rådmannen si tilråding vart vedteken.

Tilråding i Formannskapet - 19.01.2016

Herøy kommunestyre gir forhandlingsutvalet mandat til å forhandle fram ein intensjonsavtale både med Sande åleine og med Hareid, Ulstein, Sande og Vanylven om å danne ein ny kommune.

Dersom forhandlingane ikkje gir eit tilfredsstillande resultat for innbyggjarane i Herøy, er det eit reelt alternativ å stå aleine (0-alternativet).

Kommunestyret vedtek at innbyggjarane skal høyrast gjennom rådgjevande folkerøysting. Detaljar om folkerøystinga må avklarast i eiga sak i Kommunestyret.

PS 14/16 FOLKERØYSTING OM KOMMUNEREFORM

Møtebehandling:

Ole Brubakk (Krf) kom slikt framlegg:
Valdagen vert sett til måndag 23. mai.

Tilråding frå rådmannen med slike endringar vart vedteken:

Valdagen vert sett til måndag 23.mai.
Det vert opna for førehandsrøysting 6 veker før valet.

Tilråding i Formannskapet - 19.01.2016

Kommunestyret vedtek at røysteretten fyl vilkåra for røysterett ved fylkestingval og kommunestyreval (valgloven § 2-2,(1) og (2)). I tillegg har alle som fyl 16 år i løpet av valåret røysterett gitt at dei for øvrig oppfyller vilkåra.

Folkerøystinga er avgrensa til dei som bur innanfor kommunegrensa.

Skjeringsdato for manntal er 1.1.2016.

Det vert oppnemnd 4 røystekrinsar med vallokale på følgjande stadar:

- Møre barne- og ungdomskule
- Stokksund skule
- Einedalen skule
- Kulturhuset

Det vert opna for førehandsrøysting 6 veker før valet.

Klagerett vert sett til 1 veke etter valdagen til valstyret.

Valdagen vert sett til måndag 23.5.2016.

Valstyret tilleggast ansvar for den praktiske gjennomføringa av folkerøystinga.

PS 15/16 EKSTRA BUSETTING AV FLYKTNINGAR I 2016 OG 2017

Møtebehandling:

Arnulf Goksøyr reiser spørsmål om habilitet då han er eigar av Christineborg som pr. i dag har funksjon som akuttmottak for asylsøkjjarar. Han gjekk frå under handsaming av habilitet. Ann Kathrin Storøy leia møtet.

Arnulf Goksøyr vart kjend habil.

Rådmannen si tilråding vart samrøystes vedteken.

Tilråding i Formannskapet - 19.01.2016

1. Herøy kommune vil ikkje ta i mot ekstra flyktningar i 2016, utover vedtak i K-sak 66/15 om å auke mottak av flyktningar frå 10 til 20 i 2016. Dette gjeld både vaksne, familiar og einslege mindreårige.
2. Herøy kommune vil ta stilling til busetting av flyktningar for 2017 i 2. halvår 2016.

PS 16/16 GNR. 53 BNR. 1 EIGAR: GEIR OG MARIANNE TJERVÅG - ELVEFORBYGGING I TJØRVÅGELVA - VEDTAK DISTRIKTSDEL TIL NVE

Møtebehandling:

Rådmannen si tilråding vart samrøystes vedteken.

Tilråding i Formannskapet - 19.01.2016

1. Herøy kommunestyre godkjenner avtale med NVE «Kommunevedtak for sikringsanlegg mot flaum og skred – plan for utbetring etter naturskade i Tjørvågelva.» Ordføraren får fullmakt til å underteikne avtalen.
2. Det vert løyv inn til 80.000 kroner eks.mva. til dekning av kommunal distriktsdel til NVE. Løyvinga vert finansiert ved bruk av ubunde kapitalfond.
3. Eigar av anlegget, grunneigar(ar), vert gjort merksam på at dei har ansvaret for drifta av anlegget inkludert utføring og dekking av kostnader til nødvendig ettersyn, drift og eventuell skjøtsel.

PS 17/16 REVIDERT FORSKRIFT FOR SØRE SUMMØRE REINHALSVERK IKS - GODKJENNING

Møtebehandling:

Rådmannen si tilråding vart samrøystes vedteken.

Tilråding i Formannskapet - 19.01.2016

Herøy kommunestyre vedtek å godkjenne revidert forskrift for Søre Sunnmøre Reinholdswerk IKS.

PS 18/16 VAL AV AVGIFTSMODELL FOR UTBYGGINGSAVTALAR VED BUSTADBYGGING - PRINSIPPVEDTAK

Møtebehandling:

Saka vert sendt vidare for handsaming i kommunestyret

PS 19/16 BULYSTPROSJEKTET. SLUTTRAPPORT.

Møtebehandling:

Rådmannen si tilråding vart samrøystes vedteken.

Tilråding i Formannskapet - 19.01.2016

Kommunestyret viser til sluttrapporten for Bulystprosjektet og ber om at dei gode tiltaka for integrering av arbeidsinnvandrarar og andre tilflyttarar vert fylgde opp og vidareutvikla innanfor dei ulike tenesteyrøråda.

MØTET SLUTT!